

江氏族譜

江氏族譜

江氏族譜序

予嘗私恨鼻祖贊善公以來人物間出而世
次官闕學行文章皆沒而不紀無以詔後世欲
兼舉史記年表世家之體烈而爲圖而附見行
事以傳信來裔方作意哀輯未及成書而堂姪
知郴陽太守元忠先吾着鞭考訂舊譜序而
冠之以敦睦宗盟且囑予爲後叙謹按吾宗上
世常以耀德戢兵懷柔遠人爲國長慮近代以

來多得志於東南文名之邦肇自伯益列舜九
官佐禹平水土而已昌言格苗文德遠暢賜姓
嬴氏支分派別爲顯諸侯入春秋而有國於江
者實與齊侯衣裳之會至戰國時江乙爲楚策
士尊君抑臣備論北方之所以畏楚蓋以國爲
姓迄晉有江統者世居陳留常建徙戎之策號
爲經國遠圖而

僕射霽公從元帝南渡以獻替聞於江左則我

贊善本公之所從出也今

天子方體舜禹之治化懷遠柔邇致理不以兵車而
根本之地實在東南此固吾前世所以効忠濟
時之良會而不墜先聲我後之人所宜同勉者
也故備書之若夫世代之相承人物之旁見則
有別代之史在

宋紹興十八年戊辰十一月

望日

九代孫左廸功郎克洪州學教授鵬程萬序

江氏方音

同治戊辰年重修

江氏族譜序

春秋時魯叔孫穆子如晉也。范宣子問曰：古人有言，死而不朽，何謂也？叔未對。宣子曰：昔句之祖自虞以上，爲陶唐氏；在夏爲御龍氏；在商爲豕韋氏；在周爲唐杜氏。晉主夏盟，爲范氏，其是之謂乎？穆叔曰：以豹所聞，此之謂世祿，非不朽也。太上立德，其次立功，其次立言，雖久不廢，此之謂不朽。安正竊嘗愛穆叔之論，剴切精詣，至

理所在聖人復起不能易也吾宗出顓頊玄孫
伯益之後封於江子孫以國爲氏自是迄今上
下數千載本支傳序則有轅陽侯之功列諫議
大夫之巨孝黃門徙戎之論爲經國遠圖僕射
竭誠獻替東陽潛德不耀固非一於保姓受氏
世守宗祊而已

贊善本公克踵前修喜待遇賢善以詩書教孫子
其所以聿脩厥德無念爾祖之意固無歉於穆

叔之所云耳 公之子七人孫十六人曾孫六
十一人元孫一百四十四人距今十有三世雲
來之屬千八致身鄉相潤澤生民今雖未見至
於清白傳家累垂忠節如漢陽袁氏名德相望
代爲孝友如蘭陵蕭氏穆雀柳氏亦未謂全無
其人也積善之家必有興者姑遲之以待天之
定也雖然陳留考城原有二族間 叔祖監簿
處中 宣議公濟博學好古嘗自贊善推而上

之至於陳留僕射綽有世次與考城諸江分派
舊矣是以今之譜書特畧彼而不序庶亦異乎
言李悉出隴西言劉恣出彭城者矣後之觀者
得有攷焉是爲叙

宋紹興十八年戊辰

九月朔日

十代孫右朝請郎知郴州軍州主管學士兼管
內勸農營田事 賜紫金魚袋安正元忠撰

江氏族譜序

余閱梅上江氏譜有十世孫安正叙叔孫穆子之言謂人有宗非但保姓受氏必有所以爲不朽者立德立功立言是也江氏之宗諫議大夫葦之巨孝乃德之大者轅陽侯喜之從伐亦功也黃門侍郎統之論徙邊亦言也統之八世興爲建安令始居建又十一世寵號梅上公公之子本仕唐爲贊善大夫至是族始盛贊善公之

子七人次二支爲西廂使冲次五支爲常侍暉
孫十六人曾孫六十一人玄孫一百四十四人
餘無聞焉予因是慨念古者宗法自繼別以下
皆以長而長又未必皆賢且不常盛也故必立
爲家相以輔之宗以長相以賢長者前定而賢
者固於上乎定之也宗子長者賢而相之者又
賢則以德以功以言小而保族宜家大而庇民
正主固所以亢吾宗也幸而僅可特世而相之

者賢則固當委族而聽之是故善爲家者必立
爲成法使之有所持循以自保雖不肖亦未敢
違越蓋熟於聞見而習於行也甚則請於上而
易之矣又不幸而世絕則擇旁支之賢者繼之
矣如是則宗法可以相繼於無窮嗟乎天之生
物一本也是故世德之家培常豐而溉常厚不
敢有一毫侵削而斬艾之而上之人又爲之法
如此故本厚而幹隆枝葉舉受其庇焉此治天

下之要道也而後世不復見矣吁豈特一事爲
然哉贊善公十四世孫元之以譜示余也見其
族雖分而譜有系世雖遠而澤尙延使古宗法
不廢則雖自一世至於什百加倍而未已也今
之保姓受氏孰非黃唐以來錫土之祚胤哉元
之蚤尚氣誼疊山先生深器重之旣命之字又
題其所居曰菊隱其益培且漑之江氏之後必

大

宋乾道元年乙酉

春月

日

古杉鄭直夫撰

江氏家言

同治戊辰年重修

江氏族譜序

江氏其先出於高陽氏之苗裔高陽孫曰大費
贊禹治水土作舜調馴鳥獸賜姓嬴氏是爲伯
益伯益之孫孟戲中衍相商帝太戊自中衍後
世有功於商周爲顯諸侯或封徐莒或封江黃
秦趙其後各以國爲姓杜預註左邱明傳云江
國在汝南安陽縣魯文公四年秋國除始有江
姓其後子孫諸族分散有以功業顯於陳留者